

Ժառանգական նախագահի եւ նրա ընտանիքի տնտեսական վիճակով էլ մտահոգուած է հեղինակը: Նախագահն ստանում է սովորական նախագահական ոտճիկը, ամսական 6000 դահեկան արծաթ, իսկ ընտանիքի բոլոր անդամներն էլ ստանում են թոշակ կամ օժանդակութիւն, ամսէ ամիս, հետեւեալ կարգով (ծէ, մեր) .—

- 1. Տեղակալ որդին 2,000 Դահեկան
- 2. Միւս որդիները, իւրաքանչիւրը 1,000
- 3. Նախագահի տիրուէին 1,000
- 4. Աղջիկներին իւրաքանչիւրը, մինչեւ ամուսնանալը 500

Այս բոլորից դուք պարզ տեսնում էք, որ Շահամիրեանը մէկ թոխչքով ուսման վար Հանրապետութիւնից անցնում է դէպի սահմանադրական միապետութիւն, որովհետեւ ժառանգական նախագահութիւնը, այն էլ աղբյուրի բացառիկ արտօնութիւններով ու առանձնաշնորհումներով, իրապէս ոչ այլ ինչ է, եթէ ոչ սահմանադրական միապետութիւն:

Եւ իր այդ անհեթեթ թոխչքը նա անում է — ինչպէս արդէն ասել ենք — միմիայն իր բարեկամ Հերակլ Բ. վրաց թագաւորի սիրոյն, որին նա համարում էր Բագրատունեանց շառուիղը, Հայաստանի դահի օրինական թեկնածուն եւ որի վրայ այնքան զեղեցիկ յոյսեր էր դրել նա:

Որպէս վերջաբան այս գլխի՝ աւելացնենք, որ Շահամիրեանն աշխատել է նախատեսել կեանքի բոլոր բաղադրանքներն ու դէպքերը եւ ըստ այնմ համապատասխան օրինազօր է ներկայացրել: Նա չի մոռացել հանր. նախագահի եւ զօրքի ու պաշտօնէութեան տարազն ու շքանշաններն անդամ: Հանրապ. նախագահին վերաբերող օրէնքն այդ մասին ասում է .—

«Նախարարն զարդարի փառօք եւ արժան կարգի պաշտօնի իւրոյ այսպիսեօք.

Ուրար սեւա ի պարանոց, ի թիկնամէջ:

Ի վերայ ուրարոյն ոսկատիպ առիւծ մի:

Ճառագայթ մի ակամբ փայլածու ի վերայ ձախու կրծոց:

Եւ ի միջի ճառագայթի դառն Աստուծոյ դրօշակ խաչին:

Եւ զնջիւն մի ոսկէ ի պարանոց եւ ի ծայր զնջիւն ձիւտոր մի ոսկէ:

Եւ վերարկուն՝ փիլոն մի սեւա երկայն եւ եւ ի ներս փիլոնի մորթ մկան, դաղովէ1) սուր ընդմէջ ածեալ, ցուպ իշխանական ի ձեռին եւ թագ-պսակ ի գլուխն, ի վերայ գագաթին խաչ» (մնդ):

ՄԻԻՍ ԲԱՐՁՐ ՊԱՇՏՕՆՆԵՐԸ

Ասացինք, որ բոլոր բարձր պետական պաշտօնները Շահամիրեանի Հայաստանում ընտրուում են անմիջականօրէն ազգ. ժողովից եւ նրա անդամների միջից: Այդ պաշտօններից մի քանիսն արդէն տեսանք — տանուտէրեր, հանր. նախագահ, 12-ի խորհուրդ եւն.:

Այժմ տեսնենք միւս բարձր պաշտօնները եւ նրանց զորձանութիւնները, երկու խօսքով, որով բաւական պարզուած կը լինի Հայաստանի պետական կազմակերպութեան պատկերը:

1. Ազգ. ժողովը իր միջից ընտրում է 25 հոգի «վասն ծայրագոյն դատաւորութեան», որոնցից մէկը նախագահն է այդ մարմնի եւ կոչուում է «մայր» դատաւոր, իսկ միւսները՝ անդամները: Սա երկրի բարձրագոյն դատական ատեանն է, կենտրոնն է Հայաստանի մայրաքաղաքը եւ մօտաւորապէս համապատասխանում է ռուսական դատաստանական պալատին (իք, ծք):

2. Ընտրուում են եւս 18 հոգի «ի պաշտօն տանն հայոց»: Ի՞նչ է նրանց պաշտօնը եւ ի՞նչ պիտի անեն — հեղինակը ոչինչ չի ասում: Հաւանօրէն ազգ. ժողովի քարտուղարութեան, զորձակարութեան եւ նման աշխատանքների համար են, մանաւանդ որ նրանցից պահանջուում է լինել «կրթեալ դպրութեան եւ ատենաբանութեան եւ հմուտ օրինաց» (իգ): Սրանք — ինչպէս երեւում է — նաեւ պաշտօն ունին ժողովրդի շահերը պաշտպանելու պետական բարձր հիմնարկութիւններում — ազգ. ժողովում, 12-ի խորհրդում եւ դատական բարձրագոյն ատեաններում (կ):

3. Ընտրուում են 6 հոգի «ի ծածուկ խոր-

1) Ղաղովը պատուական քար է, լալ. դաղովէ նշանակում է լալից: